

Årsmelding 2019 for Gulen sokn.

Soknerådet

Soknerådet hadde desse medlemmane:

Maike Norman Bøe (leiar), Iddi Glenjen, Jan Henrik Leknes, Målfrid Undertun, Irene Mongstad, Signe Baarøy og fungerande prest i Gulen Børge Ryland til påske, Geir Sørebo resten av året.

Vara:

Nina Rutledal, Kjellfrid Berge, Kåre Tveit, Vibecke Austgulen og Gunnar Nesse, Bjørn Magne Hansen (vara for presten). Målfrid Undertun og Idde Glenjen har vore medlemmar i fellesrådet der Jan Henrik Leknes og Signe Baarøy har vore vara.

Soknerådet har hatt 5 møter og behandla 19 saker. To av møta har vore felles med dei andre sokna, der saker har vore ny soknerådsstruktur og instruks for Gulen kyrkjelege råd og sokneutvala. I forkant av eitt av møta var det valkurs for alle sokna. Det har vore eitt soknemøte (årsmøte).

Soknerådet har uttalt seg om gudstenesteplan, plan for trusopplæring, har sett opp liste for kyrkjevertar og vedteke tildeling av offer, og Plan for kyrkja i Gulen 2019-2023 er vedteken.

Val av nytt sokneråd og nye sokneutval

Valet 9.september blei gjennomført i høve til den nye soknestrukturen som Kyrkerådet godkjende som ei prøveordning i valperioden 2019-2023. I staden for tre sokneråd er det no eitt, Gulen kyrkjelege råd. I tillegg har kvart sokn eit sokneutval.

Nominasjonsnemnda bestod av Maike Norman Bøe, Jan Henrik Leknes, Iddi Glenjen og Kåre Tveit.

Det var 8 namn på listene, og dei to som fekk flest stemmer blei medlemmar i Gulen kyrkjelege råd, GKR, med dei tre neste som vara. Sokneutvalet består av alle som stod på lista til soknerådsvalet. Sokneutvalet fungerer som eit rådgjevande organ og eit samarbeidsorgan for presten / kyrkjelege tilsette i soknet sitt. Informasjon og samarbeid med Gulen kyrkjelege råd, som gjer alle formelle vedtak, vert ivareteke gjennom dei som er medlemmar begge stader. Når det gjeld Gulen kyrkjelege fellesråd består det av medlemmane i soknerådet (GKR), med tillegg av kommuneoppnemnt representant, som er Odd Harald Eide. I tillegg er presten, oppnemnt av prosten, medlem i GKR/ GKF og har møterett i sokneutvala. Leiar i Gulen kyrkjelege råd/fellesråd er Åse Haugen med Kåre Sigurd Krakhella som nestleiar.

Gulen sokneutval:

Åse Haugen, leiar, Haldis Steine, nestleiar (desse er også medlemmar i GKR/ GKF), Asbjørn Karl Neverdal, Anita Vevang Nilsen, Elin Systad Lihaug, Eirik Halsnes, Kjersti Anne Utvær Nordgulen og Judith Avril Adams.

Prestesituasjonen i 2019:

I 2019 har det vore ein noko uvanleg situasjon i Gulen, då det etter at Jens Linde reiste i januar ikkje har vore fast tilsett prest. Fram til og med påske blei prestetenesta dekkja av Børge Ryland, medan den etter det har vore delt mellom Bjørn Magne Hansen, prest i Solund, og Geir Sørebo som er pensjonert prost. Bjørn Magne Hansen har i hovudsak tenestegjort på Mjømna, medan Geir Sørebo

har dekket Gulen og Brekke. Når det gjelder konfirmantarbeidet så har det blitt ivaretekt av Helle Kartveit som jobbar i NMSU, og konfirmantprest har vore Ola Johannes Jordal, Alversund. På slutten av året blei Per Børge Hillestad tilsett som ny prest, med oppstart i tenesta etter påske i 2020.

Gudstenester og kyrkjelege handlingar

Sundag 5. januar var det avskjedsgudsteneste for Jens Linde på samfunnshuset på Dalsøyra, der soknerådsleiaren på vegne av alle sokna gav han ei nistekorg med godsaker (snop og frukt) som han kunne ha med seg på flyttelasset sitt. Elles gjekk sokneråda si gåve, etter ynskje frå Jens, til misjonærprosjektet i Mali, drive av NMS.

Det har vore 25 gudstenester i 2019, der 23 har vore i kyrkja, 1 av dei på samfunnshuset på Dalsøyra og 1 på sjukeheimen i Eivindvik. Det var 2 andakter på sjukeheimen og på bu- og omsorgssentra. Det var 19 gudstenester med nattverd.

Oppmøtet på gudstenestene var 1892, som gir eit snitt på 75,68. Det er ein liten auke frå 2018 då det var 74,6, medan snittet i 2017 var 70,4.

Gudstenesta Pinsedag blei ei vandregudsteneste på Tusenårsstaden Gulatinget, der det blei stor spenning om været kom til å halde, noko det heldigvis gjorde. I år var det dåp på denne gudstenesta. Begge skulane i soknet har hatt skulegudsteneste før jul, med godt oppmøte.

Det var 17 konfirmantar, 0 vigslar, 6 døypte og 11 gravferder.

Trusopplæring

Lys Vaken blei gjennomført i desember i samband med konserten til Sigrid Moldestad. Det var sendt invitasjon til born i alle sokna, og det møtte 11 frå Gulen. Borna fekk gratis adgang til konserten, og overnatta etterpå i kyrkja. Før konserten var det program og trusopplæring i kommunehuset, deretter gjekk borna i fakkeltog til kyrkja.

Det var Hausttakkefest med utdeling av bøker til 4- og 6 åringane. Barnehagen i Eivindvik har vore på besøk i kyrkja, det var god oppslutning med 34 born som kom for å synge julesongar, høyre juleevangeliet og lytte til orgelmusikk.

For minikonfirmantane vart det er gjennomført to samlingar på Dalsøyra og to samlingar i Eivindvik. I tillegg har det vore ei helg med leir på Alværa.

I pinsa var spesielt 12-åringane invitert til å vere med på pilegrimsvandring på Gulatinget.

Konfirmantundervisninga er felles for alle sokna og lagt til nokre laurdagar og ettermiddagar, samt konfirmasjonsleir som dette året var på Hauglandssenteret.

Diakoni, kyrkjemusikk og misjon

Etter kvar gudsteneste er det enkel kyrkjekaffi, der folk kan stoppe opp å vere sosiale. Det er kyrkjeverten som har ansvaret.

Gulen kyrkje var « opa kyrkje» også i sommar, med opningstid frå 10-18 i tidsrommet 24.juni til 18.august. Kyrkja vert låst opp om morgonen og låst om kvelden, dette blir utført av på dugnad.

I august var soknerådsleiaren med på ei forankringsferd for Kystpilgrimsleia for nøkkelstaden Eivindvik. Her var formålet å byggje kvalitet, både praktisk og innhaldsmessig for Kystpilgrimsleia.

Dette er eit spanande og interessant opplegg som vi i tida framover vil sjå meir til. For å lese meir om dette kan ein gå inn på pilgrimsleden.no.

Organisten har helde orgelkonsert i kyrkja, og i mai fekk vi besøk av «Stemmene frå Stend» som hadde a-capella-konsert i kyrkja. Sogn og Fjordane Teater kom med teaterførestillinga «Maria Magdalena».

Sundag 6. desember arrangerte frivillige krefter i Eivindvik julekonsert i Gulen kyrkje. Her var det innslag frå kor, korps, piano, orgel og songgruppe. Det var ein kjekk konsert med godt oppmøte. Helga etter var det julekonsert med Sigrid Moldestad, som nok ein gong leverte ein nydeleg konsert.

Frivillige medarbeidarar

Arbeidet i soknet fordrar mange frivillige. Det har vore dugnad i kyrkja og på kyrkjegarden saman med Gulen pensjonistlag, eit godt samarbeid. Kyrkjelydsbladet blir i stor grad laga på dugnad og utdelt av frivillige. Konfirmantforeldre er med på laurdagssamlingar og som nattevakter på konfirmasjonsleiren. Gulen sokneråd takkar alle som gjev tid, arbeid, gåver og pengar, eller på annan måte støttar arbeidet vårt!

Kyrkjebygg og gravplassen

Det er sett opp nytt gjerde kring gravplassen, dette blei ikkje heilt ferdig før årsskiftet men vil bli ferdigstilt på nyåret 2020.

Økonomi

Rekneskapen viser at det i offer blei samla inn kr 66.695,00, av dette gjekk kr 22.896,00 til eige arbeid. I tillegg blei det samla inn kr 14.977 til fasteaksjonen. Rekneskapen har eit rekneskapsmessig overskot på kr 9.384,61.

Årsmeldinga er avgitt i samarbeid med soknerådsleiar Maike Norman Bøe, leiar 2019.

Lagt fram for Gulen kyrkjeleg råd til godkjenning.

Eivindvik 04.03.20

Ingunn Sognnes

Kyrkjeverje Gulen